



Zona Claus a Schluein è exausta
La vischnanca da Schluein è tshertgada sco lieu d'abitar. Las zonas d'indigens en plainas.



Fabian Collenberg surpiglia ad interim
Rino Caduff ha abditgà sco president da l'Uniuon Lai Salischinas. El è stà al timun dapi 2017.

LA QUOTIDIANA

FMR Fundaziun Medias Rumantschas, Via da Masans 2, 7000 Cuir, 081 544 89 10, redacziun@fmr.ch

■ GRISCHUN

Identidad electronica

(fmr/mc) Oz vegnan adina daplì fatschentas e servetschs liquidads a moda electronica. Per far quai dovri in pled-clav. Fin qua na datti dentant nagina garanzia che quai funcziuna a moda segira e fidada. Per quest intent vul la Confederaziun stgafir ina identidad electronica renconuschida statalmain cun crear ina e-ID. Cunter questa nova lescha è vegnì tschiffa il referendum, perquai che la Confedera-

ziun vul surlaschar la realisaziun tecnica er ad interpresas privatas. Ils adversaris vulan impedir ina tala commercialisaziun. Ils 7 da mars ha il suveran da decider a l'urna. La FMR preschenta il project per la midada da la lescha federala e lascha vegnir a pled ils parlamentararis grischuns *Martin Candinas* (pro) e *Sandra Locher Benquerel* (contra).

> PAGINA 2

■ SURSELVA



La Surselva accepta buca ch'ins siara il transport d'autos cul tren igl unviern sur l'Alpsu. FOTO SUSI ROTHMUND

Presidents fan squetsch

■ (fmr/hh) **Ils presidents communs dalla Regiun Surselva pretendan meglieras colligiazions dil traffic public.** Il motiv per quell'offensiva el rom d'ina resoluziun ei la decisiun da serrar il survetsch dil transport d'autos cul tren igl unviern sur il pass dall'Alpsu naven digl onn 2023. Quell'intenziun refusescha la conferenza dils presidents e pretendia il medem mument claras megliers. Denter auter settracta ei d'in tact da mes'ura dil tren da

Cuera a Sedrun ni Dieni senza stuer midar tren a Mustér. Pli- navon pretendia ella era da persequitar vinavon il project dalla Porta Alpina. Sulet cun meglieras colligiazions sappi la regiun sisum la Surselva frenar la depopulaziun. Culla colligiazion dils territoris da skis e gronds projects da hotel e resort ad Andermatt, Sedrun e Mustér hagi la regiun mess bia en moviment ils davos onns.

> PAGINA 5

■ GRISCHUN CENTRAL

La pandemia scu schanza per reanimar l'olma

(fmr/aa) Don *Federico Pelicon* è igl nov plevant digl cumegn-baselgia Albula/Alvra. El ò scumanzo cun l'antschatta digl nov onn ecclesiastic, per part scu successour da ser *Paul Schlienger*. Aint igl discurs cun la FMR rachinta igl om da 52 onns, tgi è uriund digl Friaul, dalla sia veta e scu tgi el sa sainta ad Alvagni. Er schi la pandemia igl fo

naturalmaintg trest, vei el er aspects positivs. Uschia per exaimpel tgi taimps da miser-gias pon puspe dasdar igl cor, tgi ò forsa durmia en po durant igls onns passos, cura tgi'ins sa dumandava forsa betg exnom scu tgi'ins vules passantar ches-ta veta custevla.

> PAGINA 8

Envid a cumponistas e cumponists

Novas chanzuns pel festival da chant a Zuoz

FLURIN ANDRY/FMR

■ L'onn 2019 ha gi lieu a Trun l'emprim festival da la chanzun rumantscha. Il proxim vegn ad esser al cumenzament da fanadur 2022 a Zuoz. In element essenzial da quest festival è la concorrenza da cumposiziuns. Persunas ch'èn ablas da cumponer èn envidadas da sa participar a quella. Per inoltrar lur cumposiziuns per il festival a Zuoz han els anc temp fin ils 21 da zercladur 2021. In che s'è participà a la concorrenza a Trun è stà *Gion Andrea Casanova*. Per sia cumposiziun «Aurora» ha'l survegnì il terz premi ed era il premi dal public. En l'intervista cun *Jachen Prevost* quinta Casanova pertge ch'el ha prendi part a la concorrenza, co ch'el ha lavurà e tge experient-schas ch'el ha fatg tar quella.

> PAGINA 3 E 7



Ils cumponists che avevan survegnì a Trun premis per lur ovras.

FOTO HANS HUONDER

«Sche ti prendas brin è quai merda»

Da tge merda che la columnista Flavia Hobi discorra: pagina 12

L'artist da sgraffito chi arda si'aigna chaltschina



(fmr/an) Schi's tshercha i'l internet alch davart Joannes Wetzel (35) as chatta numerus artichels da l'arder chaltschina. Sco ün dals prüms ha'l reanimà quist artischanadi vegl. Pro cuors o i'l rom dad occurrenz culturalas dà'l intant inavant sia savüda davart il process fich complex. Rivà pro quel material e'l però causa sia paschiaun da far sgraffitos. Cun stübgjar las lavuors dad oters artists o reconstruir lur ouvras ha Joannes Wetzel ramassà bler'experienza.

Pagina 7



30009



9 771424 749004

Servetsch d'abunents e da distribuziun: tel. 0844 226 226 mail: abo@somedia.ch